


星野

周禮保章氏按星次分野後世 之觀象察變者鑿鑿不爽蓋陰陽之精在天成象在地成形景移響應其理一也禹貢雍州星躔井鬼當鶉首之次自井十六度至柳八度維秦與 及北地上郡咸應之天文家以北斗之魁第一星曰天樞 日而主秦又以斗杓之用昏建者自華山以西南之地為次則秦豳兼屬焉元命包曰東井主水衡也正義曰井八星鉞一星鬼四星為質一星為鶉首於辰在未皆秦之分野則井於豳為近豳以兩豕分附山者豕水象也分附者子午嶺分水以東西也而縣之名亦從乎水則主水衡之東井故有以繫夫豳也



星野古占

張衡云秦豳與北地上郡接壤其星躔自東井十六度至柳八度爲鶉首之次其辰在未

元命包云東井八星主水衡也

天文志曰井宿主水泉及諸侯三公之位明大則封侯建國

西漢書曰東井爲水事其西曲星曰鉞主伺乎奢淫而罰之

正義曰東井八星鉞一星輿鬼四星爲質一星爲鶉首於辰在未皆秦之分野

又曰井爲黃道之所經廼天之亭候主水衡事法令所取平也王者用法平則井星明而端列

天文志曰鬼二度主祠祀之事明則五穀熟

正義曰輿四星主祀事以明察姦謀東北星主積馬東西星主積

三水縣志

卷之一

星野古占

二

兵西南星主積布帛西北星主積金玉隨其變占之

灼曰輿鬼五星其中白者爲質

西漢書曰柳爲鳥注主木草注作喙也孫炎曰朱鳥之口也

春秋運斗極云斗第一星天樞第二天璇第三天璣第四天權第

五玉衡第六開陽第七搖光自一至四爲魁自五至七爲杓合而爲斗

文耀鉤曰斗者天之喉舌玉衡屬杓魁爲璇璣

馬融註尚書云七政者北斗七星各有所主第一曰樞主曰法天秦也

宋天文志曰北斗第一星曰天樞其分爲秦

按考要云周禮保章氏掌封域分星以觀妖祥斗之七星亦各有屬不獨杓衡魁三者而已斗之魁第一星主秦也

西漢書曰斗之用昏建者杓杓自華以西南

孟康 傳云斗第七星法太白主杓斗之尾也尾爲陰用昏又在陰故應西南

正義曰北斗昏建用斗杓星指寅也杓者華山西南之地也

疆域

三水古豳地虞夏之際棄為后稷封於郃今武功縣及夏之衰棄子不

窋竄於戎狄之間不窋生鞠陶鞠陶生公劉復修后之業民以

富實乃相土地之宜而立國於豳之谷焉傳十世古公亶父由豳

遷岐周興文王第十七子封郃左氏傳畢原豐郃文之昭也古郃城注在

縣治東北三十里秦列天下為郡縣屬內史漢柁邑屬右扶風注云

有豳鄉而三水縣屬安定郡注云有左谷盧芳所據東漢因之魏晉以來不著

柁邑南北朝後魏置三水縣屬新平郡西魏置恒州尋廢隋置三

水縣屬北地郡唐因之天寶元年改州為郡屬新平宋屬邠州金

因之元至正七年省入涇化屬鳳翔府明成化十三年御史余子

俊馬文昇奏復為三水縣我

朝因之隸邠州廣九十里袤一百十里東宜君東南耀州南涇化

三水縣志

卷之一

疆域

四

西邠州西北甯州北真甯舊志云豳接脉於子午嶺北入大漠而

南殫於分水嶺嶺西之九原九隰交錯以象豳禹貢稱原隰之野

朱傳謂邠即今三水縣有嶺有岡有原有隰可夾而居者皇澗繞

其北可逝而居者過澗自北而西過其邑古人正尚其險側以為

隩區也雍州之原隰底績以此

城池

自明成化十四年楊尹豫爰始謀之迄成化二十二年馬尹宗仁

落厥成墉高三丈基廣二丈五尺池深一丈週五里五分有奇北

枕山南面河澗水東環溪水西繞厥門有四邑尹秦渠名其東曰

賓陽南曰凝薰西曰志岐北曰拱辰庚戌林邑侯重葺其垣樓工

竣顏其南樓曰舟翠四圍各榜舊名嘉慶間邑侯張公雲龍重修

道光二十二年靖江劉邑侯德求仍舊址週圍補葺費幾鉅萬閱

十餘年而水雨衝激崩壞不一迄同治元年猗逆猖亂不時撲城

歷鄭況羅三邑侯隨時補築晝夜防堵得保無虞八年秋姜

邑侯莅任徧閱城上見堞墻太卑守城人不能防身先捐土基數

萬塊接堆磚堞上高可遮人蓋兵燹後磚塊無處可買不得已爲

此救急之謀其心良苦矣接見諸紳時嘗曰三水連界涇慶當今

三水縣志

卷之一

城池

五

急務城垣爲先河堤次之惜地瘠民貧屢遭兵荒無可如何倘賊

氛淨埽民困稍蘇爲邑宰者其知所先務哉

縣治在按察分司之右當元廢縣時爲巡檢司至明成化間邑尹

楊豫築垣以二里三分高以二丈五尺內建正堂五間簷棚五楹

後尹秦渠又建退堂三間年久傾圯康熙巳西林侯逢泰莅任即

重修建顏其大堂曰思輯後堂曰鑑水乾隆三十二年方邑侯承

保重爲修葺題大堂額曰思輯用光嘉慶間張令雲龍重修咸豐

間楊令國鈞添修三堂西垣大書房三間又西偏建望耕樓左右

廈共十二間東垣小書房三間二堂西小花廳三間大堂前東

列吏戶禮倉房一十二間西列兵刑工堂房一十二間同治九十

兩年自大門以至三堂諸多坍塌邑令姜桐岡隨時補葺之題

堂楹聯云

八百載周基特鍾靈秀山環水抱住佳哉鬱鬱蒼蒼送來西堡槐陰
東橋柳色南岡花氣北塢松聲政簡刑清聊爾憑高眺遠望磯頭
煙雨鋪排就紫霧丹霞又谷口人家點綴些綠楊紅杏何況五峯
映日七級凌霄雙閣繞雲三泉浴月

數千年豳俗不尙繁華士儉民勤美矣休休蹶蹶忙煞春桑十畝
夏蕘半園秋稻四圍冬茅幾束肅霜流火眞如披畫看詩聽隴上
閒談商量着瓜棚壺架即閨中笑語料理那葦箔簷筐而且豨酒
媚君狐裘事長蟀吟憐子羔獻思親

聖諭坊在儀門內甬道中劉邑侯熙建

儀門三間角門二門傍豎馬尹修城德政碑

土地祠三間在賓館之右明嘉靖年建林侯重修

省耕樓在縣衙之東

今廢

三水縣志

卷之一

縣治

六

迎賓館三間在儀門之外

今廢

同亭在縣衙之左爲鄉射以觀德林侯新建

今廢

樓五間甃石作臺下爲大門舊尹劉蒞移鐘於上林侯重建之
題二柱云山曰屏維邦之屏八里豐盈崇保障縣名水此心似水
三泉澄澈映冰壺以紀勝也

旌善亭在譙樓之南

今廢

中明亭在旌善之次

今廢

倉廩在縣署東中有廩神祠

馬神廟在馬號內

軍流犯所在大門內東偏知縣姜桐岡重修

典史衙在幕廳西前廳三間正屋三間東西厦六間

縣獄在捕衙之前建欽恤廳三間畫一祠一間

察院一座在縣治左林侯重修今廢

儒學教諭署在明倫堂後上房五間大門一座上有尊經閣東花廳三間廚房二間倉房二間門斗房二間

訓導署在明倫堂西上房三間中廳三間桂林門在明倫堂前之西

明倫堂在文廟後 欽頒學規卧碑在堂左科第題名匾懸堂東西壁

毓秀坊在西箭道外訓導張欽修建舊志載毓秀坊在啓聖祠東箭道今廢

石門書院在關帝廟東上大房三間東房三間西厦三間中建經治堂五間東西齋房各六間二門一座大門房三間門西院夫房二間東有便門東偏院廚房三間乾隆間方邑侯創建道光十三

三水縣志

卷之一

縣治

七

年洪杜兩邑侯續修工竣餘錢二千一百千汪邑侯續損錢七千先後共錢二千八百千每年發商生息同治元年狷匪倡亂鄭邑侯團勇守城經費無出將前項提用姜邑侯於每年扣官項錢二百千文爲東修獎賞之費詳載永革里長流差碑陰

考院在城隍廟東至公堂五間東西號房各十五間二門三間大門五間外樂鼓樓二座大堂後東臺上小院官廳三間東西厦各三間廚房三間門房三間邑人中典瞻率衆捐貲監修同治七年九月秋雨決旬東西號房先後傾壞

義學在職田鎮大房三間門房三間姜邑侯創建

城守營在舊察院前東偏

演武亭在西郭外社稷壇東亭廢遺址尙存

建置

周后稷之曾孫曰公劉爰自戎翟相度地宜而立國於豳谷故爲豳

周武王巡狩之後陟喬由河以涇渭爲藪澤而豳地列王畿之內周平王東遷以豳地賜秦襄公

秦始皇時豳屬北地郡尋改爲內史

漢高帝初豳屬塞國後屬渭南郡九年郡罷又改入內史

漢景帝二年循郇侯之封置郇邑屬右扶風郡

漢元帝永光元年改置三水縣

新莽復置爲郇邑

魏時置護軍省入北地郡

魏大武眞君八年復置三水縣入北雍州

西魏太統元年升置爲恒州十四年移於今郇州西北一十五里

三水縣志

卷之一

建置

八

晉罷護軍省屬新平郡

隋開皇三年仍置三水縣屬北地郡

隋大業初爲隴川堡屬郇州

唐時豳屬京畿關內道

唐代宗元年吐番焚畧移縣治於職田鎮

唐元和四年復移其古治

梁時豳隸永平軍

後置改屬晉昌軍

後唐及漢俱入永興軍京兆府

宋時改屬熙河路

元時移入慶元路後省入奉元路

元至正十八年改治入淳化縣屬鳳翔府

明初改奉元路爲西安府成化十四年復立三水縣隸於邠州文光祿曰淳化徃即三水縣宋始自爲淳化縣元始併入淳化而明始各自爲縣也

鄉鎮

太平寰宇記三水縣舊十三鄉今十二

明邠州志 三水縣有三水里蒲村里北宮里南宮里職田里太義

里焦村里金泉里爰得里豐泉里高平里義豐里後裁去四里今

八里蒲村里焦村里職田里金泉里爰得里義豐里南宮里北宮里

職田鎮在邑東北三十里唐時以爲縣至憲宗復移舊治今城三里相傳爲尉遲敬德務農處廟址存焉

張洪鎮在邑西三十里堡週二里三分

三水縣志

卷之一

鄉鎮

九

土橋鎮在邑西南四十里當古公原之衝

底廟鎮在邑北五十里堡週二里二分

太峪鎮在邑北二十里堡週二里三分

舖舍

三水之舖十有四所以備傳遞郵命以需急務而東則三舍西則二舍南則四舍北則五舍悉統於邑承發之總舖

東路有萬壽舖職田舖北坡舖達馬蘭以通榆林

西路有魏洛舖原得舖以達邠州

南路有甘峪舖姚家舖排沙舖土橋舖以應淳化

北路有馬坊舖太峪舖甘家舖長嶺舖三家舖以接慶甯

壇廟

風雲雷雨壇在東澗河西岸

社稷壇在縣西郭外

厲壇舊在東郊康熙年間知縣林逢泰捐俸改置西郭外

先農壇在東門外

文廟在東門內南偏枕廣原而環泃水明萬歷癸未改建歲久

傾圮

康熙辛亥知縣林逢泰重修大成殿七間東西廡各七間戟門三間櫺星門三座泮池一區太和門一座乾隆年間知縣郭履恒嘉慶十七年知縣張雲龍相繼重修置祭器簋籩豆香爐等物俱有碑道光年間汪令 丙咸豐年間楊令國鈞皆隨時補葺同治五六七等年狷逆猖獗大兵駐札城外廟內門窗併兩廡名宦鄉賢各神牌盡行毀壞九年知縣姜桐岡捐俸漆修各如舊式有碑

三水縣志

卷之一

壇廟

十

記暨戟門外

崇聖祠在大成殿之左

昭文土地祠在戟門外左院

敬一亭在戟門外右院

名宦祠在戟門外東

鄉賢祠在戟門外西

東西齋房各兩間在櫺星門外

西大門曰義路東大門曰禮門

御製至聖先師贊暨四賢贊

先師贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹

文武五百餘歲至聖挺生聲金振玉集厥大成序書刪詩定禮正

樂既窮象繫亦嚴筆削上紹往緒下示來型道不終晦秩然大經
百家紛紜殊途異趣日月無踰羹牆可晤孔子之道惟中與庸此
心此理子聖所同孔子之德仁義中正秉彛之好根本天性度幾
夙夜勗哉今圖遡源洙泗景躅唐虞載歷庭除式觀禮器擗毫仰
贊心焉遐企百世而上以聖爲歸百世而下以聖爲師非師夫子
惟師於道統天御世惟道爲寶泰山巖巖東海泱泱高萬仞夫
子之堂孰窺其藩孰窺其徑道不遠人克念作聖

顏子贊曰聖道早聞天資獨粹約禮博文不遷不貳一善服膺萬
德來萃心齋坐忘其樂一致禮樂四代治法兼備用行舍藏王佐
之器

曾子贊曰洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承統緒修明

三水縣志

卷之一

壇廟

十一

訓辭

子思子贊曰於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門卷之藏密擴
之無垠

孟子贊曰哲人既萎楊墨昌熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學攸傳禹功
作配

樂章

迎神樂奏昭平之章

大哉孔子

先覺先知

與天地參

萬世之師

祥徵麟紱

韻答金絲

日月旣揭

乾坤清夷

初獻樂奏宣平之章

予懷明德 玉振金聲 生民未有 展也大成

俎豆千古 春秋上丁 清酒既載 其香始升

亞獻樂奏秩平之章

式禮莫愆 升堂再獻 響協鼗鏞 誠孚壘甌

肅肅雍雍 譽髦斯彥 禮陶樂淑 相觀而善

終獻樂奏叙平之章

自古在昔 先民有作 皮弁祭菜 於論思樂

惟天牖民 惟聖時若 彝倫攸叙 至今木鐸

徹饌樂奏懿平之章

先師有言 祭則受福 四海鬻宮 疇敢不肅

禮成告徹 毋疏毋瀆 樂所自生 中原有菽

送神樂奏德平之章

三水縣志

卷之一

壇廟

十一

鳧繹毳毳 洙泗洋洋 景行行止 流澤無疆

聿昭祀事 祀事孔明 化我蒸民 育我膠庠

崇聖祠五王

啟聖王 先聖之父諱 叔梁紇

昌聖王 先聖之祖諱 伯夏

詒聖王 先聖之曾祖諱 防叔

裕聖王 先聖之高祖諱 睪夷父一作祈父

肇聖王 先聖之五世祖諱 木金公

崇聖祠配祀先賢

孔氏皮至聖兄 顏氏無繇字路 曾氏點字皙 孔氏鯉字伯魚子思

孟孫氏字公宜

從祀先儒

周氏輔成周子 張氏迪張子 程氏珣字伯温二程子

朱氏松字喬年 蔡氏元定字季

大成殿配饗四聖

顏子同字子淵 曾子參字子輿 子思子伋之孫先

孟子鄒字子輿

配饗先賢十二哲

閔子損字子騫 冉子耕字伯牛 冉子雍字仲弓

宰子予字子我 端木子賜字子貢 冉子求字子有

仲子由字子路 言子偃字子游 卜子商字子夏

顓孫子師字子張 有子若人 朱子熹字子晦

東廡從祀先賢

蘧子瑗字伯玉 澹臺子滅明字羽 原子憲字子思

三水縣志

卷之一

十三

南宮子适字子容 商子瞿字子木 漆雕子開字子若

司馬子耕字子牛 梁子鱣字叔魚 冉子孺字子魯

伯子虔字子楷 冉子季字子產 漆雕子徒父字子

漆雕子多字子斂 公西子赤字子華 任子不齊字子

公子良儒字子 公子肩定字子 鄭單字子家

罕父子黑字子索 榮子旂字子祺 左子行魯字子

鄭子國字子徒 厚子亢字子籍 廉子潔字子曾

叔仲子嚮字子期 公西子輿如字子 邾子異字子斂

陳子亢字子禽 琴子張字子開 步子車乘字子

秦子非字子之 顏子嚮字子聲 顏子何字子冉

縣子亶字子象 樂正子克 萬子章

周子敦頤字茂 程子顥字伯淳 邵子雍字堯夫

秦子冉字子

牧子皮

公都子

公孫子丑齊人

張子載字子厚郟縣人

程子頤字正叔河南人

西廡從祀先儒

穀梁子赤字元始魯人

高堂子魯生人

孔子安國之裔先

毛子萇趙人

鄭子玄北海字康成

范子甯字武子南陽人

韓子愈字退之南陽人

胡子瑗字翼之海陵人

司馬子光字君實陝州人

尹子焯字彥明洛陽人

胡子安國字康侯崇安人

李子綱字武人邵武人

張子棻字敬夫綿竹人

陸子九淵字子人靜金谿人

黃子幹字直卿閩縣人

眞子德秀字景元蒲城人

何子基字子恭金華人

文子天祥人廬陵人

陸子秀夫

陳子昌字可大都昌人

金子履祥字吉父蘭谿人

許子衡字仲平河內人

薛子瑄字德温河津人

陳子獻章字公甫新會人

蔡子清字介夫晉江人

呂子桷字仲木涇野高陵人

劉子宗周字念臺山陰人

三水縣志

卷之一

十五

呂子坤甯陵人

陸子隴其字稼書平湖人

文昌廟舊在文廟戟門外東院道光十三年汪邑侯日丙卜地東

門內創建

啟聖祠五間

文昌帝君大殿三間饗殿三間月臺下東西兩廊各五間中樹屏

牆外東院公劉祠三間西院文少白祠三間大門三間東西門各

一間有碑

樂章

迎神樂奏不平之章

秉氣兮靈躔 翊文運兮赫中天 蜺旌兮戾止 雕俎兮告

虔 迓神庥兮於萬斯年

初獻樂奏 平之章

神之來兮籩簋式陳 神之格兮几筵式親 極昭彰兮靈貺
致蠲 兮明禋 升香兮伊始 居歆兮佑我人民
亞獻樂奏煥平之章

再酌兮瑤觴 燦爛兮庭燎之光 申虔禱兮神座 儼陟降
兮帝旁 粢醴潔兮齋遯將 綏景運兮靈長
終獻樂奏煜平之章

禮成三獻兮樂奏三終 覃敷元化兮繫神功 馨香達兮肸
蠶通 歆明德兮昭察寅衷
徹饌樂奏懿平之章

備物兮惟時 告徹兮終禮儀 神悅懌兮鑒在茲 垂鴻佑
兮纍洽重熙

三水縣志

卷之一

壇廟

十六

送神樂奏蔚平之章

雲駢駕兮風旗招 神之歸兮天路遙 瞻翠葆兮企丹霄
願迴靈眷兮福我朝

望燎樂

烟煴降兮元氣和 神光燭兮梓潼阿 化成耆定兮纍弓戢
戈 文治光華兮受福則那

關帝廟創修年月舊志不載今考碑碣康熙四十年邑侯安

名失

四

十八年邑侯黃天祐雍正十年邑人捐資相繼重修道光六年邑
侯牟雯率邑士民捐資廓其舊址從新修理正殿三間寢殿三間
獻殿五間鐘鼓樓二座雅南樓五間有碑豎廟內
啟聖殿三間在寢殿後

樂章

迎神樂奏格平之章

懿鑠兮焜煜 神威靈兮赫八方 偉烈昭兮累禩 祀事明
兮永光 達精誠兮黍稷馨香 儼如在今洋洋
初獻樂奏翊平之章

英風颯兮神格思 紛葆蓋兮龍旂 欒桂醕兮盈卮 香始
升兮明粢 惟降鑒兮在茲 流景祚兮翊昌時
亞獻樂奏恢平之章

觴再酌兮告虔 舞千戚兮合宮懸 歆苾兮潔蠲 扇巍顯
翼兮 神功宣
終獻樂奏靖平之章

鬱鬯兮三申 羅籩簋兮畢陳 儀卒度兮肅明禋 神降福
兮宜民宜人

三水縣志

卷之一

壇廟

十七

徹饌樂奏彝平之章

物惟備兮咸有 名德惟馨兮 神其受 告徹兮禮終 咎
佑我家邦兮孔厚
送神樂奏康平之章

幢葆葳蕤兮 神聿歸 馭鳳軫兮驂虬駢 降煙煜兮餘醑
願回靈盼兮洽德明威

望燎

焄蒿烈兮燎有輝 神光遙爚兮祥雲霏 祭受福兮茂典無
違 庶揚駿烈兮永奠疆畿

奎星閣一在城上東南創建自林令後築城時重修之一在城外
東郭一在縣南磯頭一在城隍廟大門樓上

倉聖祠在城隍廟左正殿五間饗殿五間東西廡各三間咸豐二

年邑人申典瞻創建

城隍廟在東門內正殿饗殿寢殿川堂各五間東西兩司各七間鐘鼓樓二座二門五間大門樓一座上有奎星閣二門外東院火神祠三間西院財神祠三間其創修續修各碑暨廟中序詳藝文

龍王廟在文昌廟右正殿三間饗殿三間東西廊各三間大門三間道光年間唐邑侯淑世因城外舊廟被河水衝壞移建於此扶蘓廟在城東郭康熙年間前邑侯林公逢泰創始楊公諤言王公祚興相繼成工碑暨廟內劉猛將軍廟舊在東郭外先農壇之左歲久傾圮今設神牌於城隍廟內

東嶽廟在縣河東山之阿

三水縣志

卷之一

壇廟

十八

忠義祠在文昌廟左同治元年邑獬潛通白吉原逆獬倡亂鄭邑侯統帶邑團紳民勇往勦焚賊巢逆衆奔竄民勇不暇朝食乘勝追殺連戰終日賊勢窘返撲民勇潰亂有殺賊數人力竭陣亡者有被執不屈罵賊遭戕者慘苦不可言狀三年奉憲札設局採訪旋蒙巡撫部院彙

奏奉

旨著於各地方修祠建坊欽此士民聞之踴躍輸資建正祠三間東西廡各三間大門三間春秋二仲致祭文昌禮畢分祭之況邑侯瀚爲文泐之石節孝祠在文廟西大殿三間大門一座道光十三年邑侯汪創建咸豐十一年邑人申典瞻捐貲重修

昭忠祠在考院東同治七年陝西巡撫部院劉奉
旨勅建事詳藝文志碑記

三水縣志卷一終

三水縣志

卷之一

十九